

Bidalan

Ada gula ada semut	orang akan berkumpul di tempat yang senang mencari rezeki
Ada udang di sebalik batu	mempunyai niat tertentu di sebalik perbuatan yang dilakukan
Air dicencang tidak akan putus	pergaduhan antara adik-beradik itu tidak akan berpanjangan, akhirnya mereka akan berbaik-baik semula
Air tenang jangan disangka tiada buaya	jangan disangka orang yang pendiam itu tiada bahayanya
Alah bisa tegal biasa	pekerjaan yang susah jika selalu dilakukan akan menjadi senang
Alah membeli menang memakai	barang yang mahal dibeli itu amat baik mutunya
Alang-alang mandi biarlah basah	mengerjakan sesuatu kerja sehingga selesai
Belakang parang diasah lagikan tajam	orang yang bodoh jika diajar, akan menjadi pandai juga akhirnya
Belum duduk sudah berlunjur	melakukan sesuatu kerja sebelum sampai masanya
Benih yang baik jikalau jatuh ke laut menjadi pulau	orang yang berketurunan baik akan berkelakuan baik di mana-mana sahaja dia berada
Biar titik jangan tumpah	lebih baik menanggung kerugian kecil daripada menanggung kerugian besar
Bumi mana tidak ditimpa hujan	setiap orang tentu pernah melakukan kesalahan
Genggam bara api biar sampai jadi arang	membuat sesuatu kerja yang susah hendaklah bersabar hingga berjaya
Indah khabar daripada rupa	khabar tentang sesuatu perkara biasanya dilebih-lebihkan
Jauhari juga yang mengenal manikam	orang yang pakar dalam sesuatu bidang itu sahajalah yang lebih mengetahui faedah sesuatu benda itu
Makin murah makin menawar	makin murah hati seseorang itu, makin banyak pula diminta oleh pihak yang satu lagi
Malas bergarit perut perit	seseorang yang malas berusaha akan mengalami kesusahan

Malas mendayung perahu hanyut	kalau segan berusaha, seseorang itu tidak akan mendapat kesenangan
Melentur buluh biar daripada rebung	mendidik anak hendaklah sejak kecil lagi
Melepaskan batuk di tangga	membuat sesuatu dengan tidak bersungguh-sungguh atau membuat sesuatu kerana terpaksa
Menanam tebu di bibir mulut	manis di mulut sahaja tetapi di hatinya tidak
Mencurahkan garam ke laut	memberikan sesuatu yang tidak dihargai oleh si penerima atau melakukan kerja yang sia-sia
Nasi sudah menjadi bubur	sesuatu kerosakan yang tidak dapat diperbaiki lagi
Rosak badan kerana mulut	mendapat kesusahan kerana terlanjur kata
Sambil menyelam minum air	membuat dua kerja dalam suatu masa
Sarang tebu jangan dijolok	bahaya jangan dicari
Sediakan payung sebelum hujan	hendaklah beringat-ingat sebelum mendapat kesusahan
Segan bertanya sesat jalan	orang yang tidak mahu bertanya apabila berhadapan dengan masalah akan mendapat kesusahan akhinya
Sudah jatuh ditimpa tangga	kesusahan atau kecelakaan yang datang berturut-turut
Sudah terhantuk baru terngadah	sudah terkena baru hendak beringat-ingat
Tepuk tangan sebelah tak berbunyi	sesuatu kejadian itu tidak mungkin berlaku daripada satu pihak sahaja
Ukur baju di badan sendiri	melakukan sesuatu hendaklah mengikut kemahuan atau kebolehan diri sendiri